


LIGAR

FUELHA D'INFORMACION
JULH 83

I.E.O.



R.P.

- RESPONSABLA : G. NICLOT
5, car. Enric Barbussa
93300 AUBERVILLIERS

ACAMPADA GENERALA

Coma l'acampada éra estada convocada lo 17 de junh, jorn de la grèva de la "R.A.T.P.", érem sonca 18 presents.

Foguèt decidit a la majoritat que l'acampada podià se tener çaquela.

- Lo rapòrt financeriu foguèt adoptat à l'unanimitat.
- Durant la discutuda del rapòrt morau, adoptat a la majoritat, se parlèt dels punts negatius de l'annada passada (subretot pas d'espandiment) e forças ideias foguèron escambiadas suls mejans d'afortir la presència de l'I.E.O.-R.P. : se tornèt insistir sur l'importància de trovar un local per ne far lo sèti de l'I.E.O.-R.P. ; mai de trabalh amb lo C.R.E.O. semblariá una causa força positiva.
- Avant la discutida del program 83/84, se parlèt dels mejans financers de la seccion que son força paures, subretot dempuei que l'I.E.O. nacionau pren una part mai importanta de l'escotisson. Atal ben, foguèt decidit d'augmentar per l'annada 1984 l'escotisson de l'I.E.O.-R.P. que serà de 120,00 F.
- Lo prògram 83/84 foguèt adoptat a la majoritat ; d'unis diguèron que semblava malaisit de for totas las publicacions previstas (fuelha d'informacion, butletin, e butletin scientific).
- Tenant compte del fach que los sòcis presents éron pas nombroses e que :
avià pas de candidat per 2 postes força importants dins d'organizacion (clavaire et responsable de l'Animacion), foguèt decidit de tener una altra acampada lo dimarç 20 de setembre. Ça que la, foguèron elegits al Conselh d'Administracion 14 mambres :
 - Alan Sibe (President), Nicola Bornes (Secretari generala e C.A. Nacionau), Joan-Antoni Costumero (Relacions internacionals e C.A.O.R.P.)
 - Marisa Cayssials (Responsable de las Estudias), Maïté Bouyssi, Domenge Alibert (Audio-visual e creacion),
 - Gerald Niclot (Responsable de l'Espandiment), Coleta Coderc, Martina Sancet, Claudi Mialhes, Teresa Baux,
 - Joan-Claudi May (Danças)
 - Joan-Renaud Delpa (Lenga),
 - Roland Bodon (Festas).

Domenga Cazanave continuarà de far lo "trabalh corant" de clavaire en esperant l'acampada del 20 de setembre.

ESTAGIS

- Estagis organisats per l'I.E.O. :
 - Provença : Escola Occitana de Provença en Arles del 11 al 17 de julh.
S'adreïçar a : HERMITTE - H.L.M. la Tranchée - 13110 PORT-de-BOUC
 - Auvernha : Escòla Occitana d'Estiu a Clavièra (Cantal) del 1er al 7 d'agoust.
S'adreïçar a la seccion regionala de l'I.E.O. d'Auvernha - 32 Ciutat Clar Viure - 15000 AURILLAC
 - Agenés : Escòla Occitana d'Estiu a Pena d'Agenés del 21 au 28 d'agost.
S'adreïçar : E.O.E. Sant Antoni de Ficalba - 47340 LAROQUE TIMBAUD
- Tresen estagi de formacion e d'escambis organisat pel mesadier "Occitania - Volèm Viure Al País" a Albi, del 16 al 21 d'agost (musica, danças, talhiers, debats, expausicions, seradas...) Estagis domplet 720,00 pels adultas, 600,00 F pel estudiants e caumaires.
S'adreïçar a J. URROZ - Assit - Manot - 16500 CONFOLENS
- Tresen rescontres occitans de Sant-Alban (Lozera) del 31 de julh al 7 d'agost, organisats pels Talhiers d'Oc. Al programa : musicas, teatre, cant, danças. Prètz de l'estagi tot : 950,00 F.
S'adreïçar : los Talhiers d'Oc, Residència de las Facultats, Bât 1 - 201 avenue de la Justice - 34000 MONTPELLIER (tél. (67) 41.20.71)
- "Centre d'Etude de la Littérature Occitane" dins l'abadiá de FLARAM (GERS)
Aquest Centre Internacional acampa los cercaires en literatura occitana e organisa rescontres, expausicions... Se prepausa de fargar un centre de documentacion e de publicar obras de ièr e de uèi de la nòstra literatura.

CAUSAS E AUTRAS

- Radiò País, radiò de las lengas e de las culturas dels pèbles de França, a recomençat sas emissions sus 103,10 Mhz. Se pot escotar cada ser, levat lo dimècres, de 8 oras a 11 oras 30.
Per ajudar Radiò País e participar a sa vida, cal prendre son escotisson a l'associacion: còsta 150 francs. Mandar lo chèc a l'Associacion Radiò País, 6, plaça de la Madelana, 75008 PARIS
- Lo butletin de l'I.E.O.-RP va èsser reviscolat. Mas per que capitem, fa mestièr que mandetz d'articles a G. Niclot, 5 car. Enric Barbussa, 93300 AUBERVILLIERS. Pensatz-i!

E A TOTIS, BONAS VACANÇAS!